

Պիրաբազին ու Խողբազին խոշուն էրեցին ու էկան Սա-

պատ է քաշած և որսի կենդանիներով լիքն է. բայց բաջութեան դէմ համարելով պարսպապատ սարի վերայ որս անելը, քանդում է պարիսպը և ընկնում մի վայրենի «խոզ»-ի (խոյի) յետևից: Խոյը անցնում է Ծովասարի միւս կողմը, Մարամելիքի «էլ»-ի (ժողովդէի) վրանների մեջ: Դաւիթ թողնում է խոյը և յարձակուում վրանների վերայ. մէկի աչքն է հանում, միւսի ծամն է կտրում, մէկէլի ծիծը կտրում. և պատուիրում է Մարամելիքին ասել. «Ուր կնկայ լաչին ուր գլխուն էղնի, թըխ գայ կոխ էնինք»:

Դաւիթ վերադառնալիս մի «խանգրած» (աւերակ) վանք է տեսնում. «Հացն ու գինին, Տէր կենդանին» երգւում է տուն չ'գնալ, մինչև վանքը չ'շինէ: Վանքը նորոգելուց յետոյ քառասուն երէց, քառասուն վարդապետ և քառասուն սարկաւազ միաբան է նշանակում, իսկ Օհան Աղբակեցուն վանքի պահապան, վերակացու:

Մարամելիք իմանում է Դաւիթի արարմունքը և Աղբազինն ուղարկում է վրէժ առնելու: Օհան Աղբակեցին՝ խաբուելով Աղբազինի խոստումներով՝ անցնում է նորա կողմը: Աղբազինը վանքը կողոպտում և միաբաններին կոտորում է. միայն մի սարկաւազ ազատուելով՝ փախչում է Դաւիթին պատմելու եղելութիւնը: Դաւիթը կեր ու խում ունէր, երբ սարկաւազը ներս է մտնում.

«Դաւիթ նստի հացն ու գինին,

էկան խաբին Օհան Աղբակեցին,

Քառսուն էրէց սպանեցին,

Քառսուն վարդապետ, քառսուն սարգեւաք»:

Դաւիթ, լսելով սարկաւազի խօսքերը, իսկոյն վազում է թշնամիների յետևից, Օհան Աղբակեցուն երկու կտոր է անում, իսկ Աղբազինն, ատամները ձակատին շարելով, ուղարկում է Մարամելիքին:

Ընթերցողը իսկոյն կ'նկատէ, որ այս պարբերութիւնը նման է պ. Մ. Աբեղեանի «Դաւիթ և Մհեր»-ի վերջում դրուած «Թըռլան Դաւիթի ճիւղից» վերնագրով հատուածին: Պ. Աբեղեան այդ հատուածը մի առանձին ճիւղի մաս է համարում, բայց մեր հետամտութիւնը մեզ այն եղբակացութեան հասցրեց, որ այդ հատուածը առանձին ճիւղի մաս չէ, որովհետև Մոկաց բարբառով մեր հաւաքած բոլոր վարիանսներում այդ հատուածը Դաւիթի ճիւղի մի պարբերութիւնն է կազմում, ինչպէս և Բ. վարիանտում, թէև և բացի յայտնի Դաւիթից մի ուրիշ Դաւիթ անուն էլ են տալիս, որի մասին ոչինչ յայտնի չէ առայժմ: